

# **OKVIRNI SPORAZUM**

## **o prijemu poštanskih pošiljaka i plaćanju naknade za ove usluge**

### **UGOVORNE STRANE:**

- 1. USTAVNI SUD BOSNE I HERCEGOVINE**, Reisa Džemaludina Čauševića 6, Sarajevo, koga zastupa predsjednik Ustavnog suda BiH, Mirsad Ćeman, (u daljem tekstu: **Korisnik usluga**)

**i**

- 2. JAVNO PREDUZEĆE BH POŠTA SARAJEVO**, Kulina bana br. 8, Sarajevo, koga zastupa generalni direktor mr.sci. Mirsad Mujić i supotpisnik izvršni direktor sektora za poštanski promet mr.sci. Nerizan Đogo, dipl. ing. maš. (u daljem tekstu: **Davalac usluga**)

### **Član 1.**

Predmet ovog okvirnog sporazuma je prijem običnih, preporučenih pošiljaka i vrijednosnih pisama, kao i isporuka pošiljaka u prostorije Korisnika usluga i plaćanje naknade za ove usluge, prema definisanim uslovima iz tenderske dokumentacije broj SU-08-471-14/18 i prema sadržaju konačne ponude broj 01-13.73-6808-10/18 od 16. maja 2018. godine sa kojom je Davalac usluga učestvovao u provedenom pregovaračkom postupku bez objave obavještenja i koja je sastavni dio ovog okvirnog sporazuma.

Korisnik usluga zadržava pravo potpune ili djelimične realizacije nabavke usluga do ukupne planirane vrijednosti, a prema planu potreba za predmetnu nabavku.

### **Član 2.**

Ukupna okvirna vrijednost ovog sporazuma iznosi 63.000,00 KM bez uračunatog PDV-a.

Za pružanje usluga iz člana 1. ovog okvirnog sporazuma utvrđuje se ugovorna cijena za set usluga prema konačnoj ponudi iz člana 1. ovog okvirnog sporazuma u iznosu od 1.105,20 KM bez uključenog PDV-a.

Pojedinačne cijene su definisane u konačnoj ponudi iz člana 1. ovog okvirnog sporazuma

Ukupna plaćanja bez uračunatog PDV-a, na osnovu izvršenih svih pojedinačnih usluga po zahtjevima Korisnika usluga na osnovu ovog okvirnog sporazuma ne smiju prelaziti procjenjenu vrijednost nabavke iz stava (1) ovog člana.

### Član 3.

Davalac usluga obavezuje se:

- (1) Da će sve poštanske i paketske pošiljke koje predaje Korisnik usluga primiti u pošti 71103 Sarajevo.
- (2) Da će korisnika usluga redovno snabdijevati sa preporučenim i V naljepnicama.
- (3) Da će poštanske pošiljke primiti po prijemnoj knjizi Obr. P-3 koja se popunjava prema štampanom obrascu u tri primjerka.
- (4) Da će poštanske pošiljke po osnovu ovog okvirnog sporazuma primiti i uručiti primaocima na način i rokovima kako je to određeno propisima o vršenju usluga u poštanskom saobraćaju.
- (5) Da će sve poštanske pošiljke koje nije bilo moguće uručiti primaocima vratiti Korisniku usluga sa označenim razlogom vraćanja za svaku pošiljku pojedinačno.
- (6) Da će sve neopravdano vraćene pismonosne pošiljke, na zahtjev Korisnika usluga ponovo primiti i uručiti bez ponovne naplate poštarine.
- (7) Da će za primljene poštanske pošiljke izvršiti obračun i dostaviti fakturu u zakonskom roku.
- (8) Da će isporučivati paketske pošiljke na adresu Korisnika usluga i staviti ih u prioritet odnosno da će iste isporučiti najkasnije u roku od 24 sata od dana prijema ili prvi radni dan u slučaju neradnih dana.

### Član 4.

Korisnik usluga obavezuje se:

- (1) Da će sve poštanske pošiljke po osnovu ovog okvirnog sporazuma predavati u pošti 71103 Sarajevo po prijemnoj knjizi koju će popunjavati prema štampanom tekstu obrasca u tri primjerka.
- (2) Da će sve poštanske pošiljke, koje predaje po osnovu ovog okvirnog sporazuma opremiti u skladu sa odredbama Zakona o poštama ("Službeni glasnik BiH", broj 33/05) i Zakona o poštanskom prometu u Federaciji Bosne i Hercegovine ("Službene novine Federacije BiH", broj 76/04).
- (3) Da će u gornjem desnom uglu pismonosne pošiljke za unutrašnji poštanski saobraćaj staviti oznaku „Poštarina plaćena kod pošte 71103 Sarajevo“, a u lijevom gornjem uglu otisak pečata odnosno štambilja ili odštampati odnosno napisati naziv pošiljaoca.
- (4) Da će u gornjem desnom uglu pismonosne pošiljke za međunarodni poštanski saobraćaj staviti oznaku „PORT PAYE“, a u gornjem lijevom uglu otisak pečata odnosno štambilja ili odštampati odnosno napisati naziv pošiljaoca.
- (5) Da će za sve poštanske pošiljke predate po osnovu okvirnog sporazuma platiti poštarinu propisanu cjenovnikom usluga dostavljenom u konačnoj ponudi iz člana 1. ovog okvirnog sporazuma, zavisno od mase-težine poštanske pošiljke, vrijednosti poštanske pošiljke i korištenja posebnih poštanskih usluga.
- (6) Da će plaćanje usluga za predate poštanske pošiljke po osnovu ovog okvirnog sporazuma izvršiti najkasnije u roku od trideset (30) dana od dana ispostavljanja fakture.
- (7) Da će o svim izmjenama koje su relevantne za izvršenje ovog okvirnog sporazuma (promjena adrese, preregistracija firme itd.) izvjestiti Službu za poštanski saobraćaj u centru pošta Sarajevo.

## Član 5.

Ugovorne strane su saglasne da posljednji dan u mjesecu bude dan za obračun usluge za tekući mjesec.

Korisnik usluga se obavezuje da će, s obzirom na sistem trezorskog poslovanja institucija BiH, fakturu za navedene usluge proslijediti na plaćanje Ministarstvu finansija i trezora BiH najkasnije trideset (30) dana nakon korištenja usluge.

Davalac usluga je saglasan da Korisniku usluga neće zaračunavati kamate za zakašnjenje prilikom plaćanja preko Trezora, ako je Korisnik usluga u ugovorenom roku predao nalog za plaćanje Trezoru BiH.

## Član 6.

Na odnose između ugovornih strana koji nisu uređeni ovim okvirnim sporazumom primjenjuju se odredbe Zakona o obligacionim odnosima u Bosni i Hercegovini.

## Član 7.

Sve eventualne sporove ugovorne strane će nastojati riješiti sporazumno, u duhu dobrih poslovnih odnosa i uzajamnog povjerenja. Ukoliko se sporazumno rješenje ne postigne, nadležan je Sud Bosne i Hercegovine u Sarajevu.

## Član 8.

Ovaj okvirni sporazum se zaključuje na period od 12 mjeseci, a stupa na snagu danom potpisivanja od strane ovlaštenih osoba ugovornih strana.

## Član 9.

Ovaj ugovor je sačinjen u četiri (4) istovjetna primjerka od kojih svaka strana zadržava po dva (2) primjerka.

**Za Davaoca usluga**

Generalni direktor mr. sci. Mirsad Mujić

Izvršni direktor sektora za poštanski promet  
mr. sci. Neziran Đogo dipl. ing. maš.

Broj: 01-13 GG-231/18

Datum: 12.06.2018.

**Za Korisnika usluga**

Mirsad Čeman  
Predsjednik

Broj: SU-08-471-22/18

Datum: 31.5.2018.